

Te mahere ā-rohe o Howick 2020

He aronga poto i tā mātou mahere



Mihi

Tēnā kia hoea e au taku waka mā ngā tai mihi o ata
e uru ake ai au mā te awa o Tāmaki
ki te ūnga o Tainui waka i Ōtāhuhu.

I reira ka tōia aku mihi
ki te uru ki te Pūkaki Tapu o Poutūkeka,
i reira ko te Pā i Māngere.

E hoe aku mihi mā te Mānukanuka o Hoturoa
ki te kūrae o Te Kūiti o Āwhitu.

I konā, ka rere taku haere mā te ākau
ki te pūaha o Waikato, te awa tukukiri o ngā tūpuna,
Waikato Taniwharau, he piko he taniwha.

Ka hīkoi anō aku mihi mā te taha whakararo
mā Maioro ki Waiuku ki Mātukutūreia,
kei konā, ko ngā Pā o Tāhuna me Reretewhioi.

Ka aro whakarunga au kia tau atu ki Pukekohe.

Ka tahuri te haere a taku reo ki te ao o te tonga
e whāriki atu rā mā runga i ngā hiwi,
kia taka atu au ki Te Paina,
ki te Pou o Mangatāwhiri.

Mātika tonu aku mihi ki a koe Kaiaua
te whākana atu rā ō whatu mā Tīkapa Moana
ki te maunga tapu o Moehau.

Ka kauhoetia e aku kōrero te moana ki Maraetai
kia hoki ake au ki uta ki Ōhuiarangi,
heteri mō Pakuranga.

I reira ka hoki whakaroto ake anō au
i te awa o Tāmaki
mā te taha whakarunga ki te Puke o Taramainuku,
kei konā ko Ōtara.

Kātahi au ka toro atu ki te Manurewa a Tamapohore,
kia whakatau aku mihi mutunga
ki runga o Pukekiwiriki
kei raro ko Papakura – ki konā au ka whakatau.

Kei tēnei puka te whakarāpopotohanga o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau, www.aucklandcouncil.govt.nz mō te roanga ake o te mahere.

He kōrero nō te Heamana

Nōku te maringanui ki te whakatakoto i te Mahere Poari ā-Rohe o Howick 2020-2023.

I ngā tau kua taha, i matua mārama ki a mātou ngā kaupapa e whakahirahira ana ki a koutou. Nā ngā kōrero i whakahokia mai ai e koutou i whakahoungia ngā whakaaro mō te toru tau kei mua i te aroaro, ā, mā te mahi tahi e tino pai kē atu te rohe Poari ā-Rohe o Howick hei wāhi noho, wāhi mahi, wāhi ngahau.

Kāore e kore kua huripokia te oranga o tēnā, o tēnā i te urutā MATE-KORONA. Kāore anō kia tino mārama ngā pānga ki ō tātou hapori me ngā kaupapa e taea ai te poari te whakatinana i ngā toru tau kei mua i te aroaro.

E mārō ana tō mātou wawata ki te whakatinana i ngā kaupapa e whakahirahira ana ki a koe: ka aro tēnei mahere ki te hauora me te oranga o ngā hapori, te taiao, me te ūhangā ā-rohe. He kaupapa matua, he whāinga matua hoki o te mahere nei ki te whakakipakipa i te ūhangā ā-rohe me ngā hapori. Mā te toro atu me te mahi ngātahi ki ngā ohu me ngā rōpū e tere tutuki ai ēnei.

Waihoki, me rapu i ngā huarahi ki te whakamāmā i ngā raru āhuarangi e mōhiotia whānuitia, kia kaha, kia aumangea, kia kore ai e āwangawanga ngā hapori o nāianei, o āpōpō hoki.

He maha ngā wawata me ngā kaupapa o tēnei mahere e rere ngātahi ana ki te Māoritanga me te ao Māori, nā whai anō e tika ana kia mahi ngātahi ki te iwi Māori i a tātou e whakaraupapa ana, e whakarite ana, e whakatinana ana i ngā kaupapa.

I ngā tau ruarua kua taha ake i whakahokia mai ngā kōrero mō te whakahirahira o te hāereere marutau, te hāereere tika ki tēnā pito o te rohe, ki tēnā pito o te rohe, e whakaae ana mātou. I whai wāhi atu tēnei kaupapa i te tāpiritanga o te whāinga hou mō te hāereere - ā-hinonga, ā-kaupapa māngai hoki.

Kei te nui o te pūtea tautoko te oranga, te hinganga rānei o ngā kaupapa o roto i te mahere. E tinana ai ēnei kaupapa, me whai pūtea tautoko i te Long-term Plan o te kaunihera. Heoi, kei te whakaae mātou - he uaua te whakahaere i ngā ratonga me te whakataupoki i ngā pikinga rēti, i te kaute tangata o te tāone e tere piki ana, i ngā raru o te urutā MATE-KORONA e whakataumaha ana i ngā pūtea moni.

Me tautoko tātou i ngā hapori me ngā ohaoha ā-rohe kia ora ai, kia kaha ai, kia toitū ai ngā hapori o āpōpō. Mā tō rourou, mā tōku rourou, ka ora ai te hapori o Howick.



Adele White
Heamana, Howick Local Board

He whakarāpopotohangā o ngā kaupapa matua o te mahere

Whakaotinga tahi: Kei te rongo te hunga ki ngā hapori i te haumaru, i te tūhononga, i te herenga

E whakahīhī ana ngā tāngata i tō rātou rohe pōtae, ā, ka whai wāhi atu rātou ki ngā kaupapa hapori kia tino pai tēnei hei wāhi noho, hei wāhi mahi, hei wāhi ngahau.

Whakaotinga rua: He takiwā tūmatanui kua pai te whakamahere, e tautoko ana i ngā āhuahanga noho oi, hauora, toitū anō hoki

E tiakina ana ngā wāhi tūmatawhānui, whare hākinakina, whare ngahau, kia whai wāhi ngā tāngata katoa, ahakoa te pakeke/pūkenga, ki ēnei rauemi, kia taea ai te whakapakari i te tinana, te rongo i te whanaungatanga.

Whakaotinga toru: E kaingākautia ana te tukunga iho, ngā toi ā-rohe, me te kanorau ā-ahurea

He rohe kanorau tātou, ā, he papa whenua, he whare hoki ō tātou hei hāpai i ngā kaupapa me ngā hui mō ngā momo auaha pēnei i te pūoro, te kanikani, te whakaari, te toi ataata.

Whakaotinga whā: Ka tiakina tō tātou taiao, ka haumanutia, ā, ka whakahaumakotia

Ka pare kore, ka marutau, ka manaakitia te taiao me te ākau hei whakamahinga mā te katoa āpōpō.

Whakaotinga rima: He ohaoha ā-rohe taurikura whai āheinga ā-rohe

Ka tū ngā pakihī hōu i tō tātou rohe pōtae, ka hua mai i aua pakihī hōu ngā wāhi mahi mō ngā tāngata o konei. Nā runga i ūtātou pokapū tāone hīkaka, kaupapa ngahau, kaupapa tuku iho, hui nunui hoki, ka maha ake ai ngā manuhiri.

Whakaotinga Ono: He kōwhiringa ikiiki pai, haratau hoki

He aratau hāereere marutau, ngāwari te whakamahi, tūhono whānuitia, māmā ki te pūkoro e whakaora ana i te hapori me te ohaoha ā-rohe mā te kawe i ngā tāngata, ki ērā atu tāngata, ki ngā mea hokohoko (pēnei i ngā toa me ngā ratonga hauora), ki ūtātou wāhi ngahau, wāhi mātauranga, wāhi mahi hoki.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Howick mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
Whiwhinga moni i ngā mahi whakahaere	
Ratonga hapori ā-rohe	4,527
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	4,527
Whakapaunga moni ki ngā mahi whakahaere	
Ratonga hapori ā-rohe	25,287
Whakarautaki ā-rohe me ngā mahi whakawhanake	670
Ratonga taiao ā-rohe	354
Mahi kāwana ā-rohe	1,154
Tataunga whakapaunga moni ki ngā mahi whakahaere	27,465
More whakapaunga moni ki ngā mahi whakahaere	22,938
Whakapaunga moni tōpū	
Ratonga hapori ā-rohe	1,529
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga moni tōpū	1,529

Ngā Mema o te Poari ā-Rohe o Howick

	Ngā taipitopito hei toro atu ki ngā mema
	Adele White – Heamana Waea: 021 284 3843 adele.white@aucklandcouncil.govt.nz
	John Spiller – Heamana Tuarua Waea: 021 286 7666 john.spiller@aucklandcouncil.govt.nz
	Bo Burns Waea: 021 1975849 bo.burns@aucklandcouncil.govt.nz
	Katrina Bungard Waea: 0800 528 286 katrina.bungard@aucklandcouncil.govt.nz
	David Collings Waea: 021831852 david.collings@aucklandcouncil.govt.nz
	Bruce Kendall, MBE Waea: 021 1981380 bruce.kendall@aucklandcouncil.govt.nz
	Mike Turinsky Waea: 021 804742 mike.turinsky@aucklandcouncil.govt.nz

	Ngā taipitopito hei toro atu ki ngā mema
	Bob Wichman Waea: 09 2770896 <u>bob.wichman@aucklandcouncil.govt.nz</u>
	Peter Young, JP Waea: 027 5874888 <u>peter.young.howick@aucklandcouncil.govt.nz</u>



© 2020 Auckland Council
Auckland Council, Howick Local Board

ISSN 2253-1068 (Print)
ISSN 2230-6692 (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.